


Padayawan ken itandudo ti rebolusyonaryo a patawid ni Louie Jalandoni: natibker a salwad ti kapya, rebolusyonaryo!

Central Committee
Communist Party of the Philippines

Kas panangbigbig iti unos ti panagbiag a dedikasyon ken dagiti kontribusyon na iti demokratiko a rebolusyon ti umili, isagsagut ti Central Committee-Communist Party of the Philippines ti kangatwan a panangbigbig ken Ka Louie Jalandoni. Saan pulos a mapukaw dagiti naibingay na iti panangbukel ken panangpapigsa iti Partido ken National Democratic Front, ken iti panangiya-bante ti demokrati-ko a rebolusyon ti umili, kangrunaan babaen ti armado a danga-dang, kabilang ti negosasyon iti kapya.



Ni Ka Louie ket pimmusay tatta nga aldaw. Isuna ket 90 anyos.

Saan a kadawyan ti nagbalin a biag ni Ka Louie. Naiyanak isuna iti maysa a pamilya ti dadakkel nga apo't daga ken agtagikua kadagiti kaunasan iti Isla ti Negros idi Pebrero 26, 1935. Iti laksid ti kinanamay ken pribilehiyo a nariingan na, naaddaan ni Ka Louie ti nauneg a kaamuan iti pulitika babaen ti panakitipon na iti biag ken dangadang dagiti mangmangged iti unas nga awan sarday nga agrabtrabaho kadagiti kaunasan iti Negros.

Sinsero nga inarakup na ti prin-

sipyo ti "panangpabor iti marigrigat" kas tarabay iti biag na. Kas maysa a dati a padi a Katoliko, nakipaset isuna iti programa a "Simbaan kadagiti Baryo," nangiyuna kadagiti inisyatiba kadagiti nabaybay-an a komunidad iti kaaw-awayan ken personal a napadasan na dagiti nakaro a kinapudno ti kinarigat, panaggundaway ken panagikuspil ti estado. Binaliwan isuna ti gawaing masa na ken ad-adda pay a nangpatibker ti takder na nga agtignay saan laeng a pastor ti pammati, nu di ket kas agserbi iti rebolusyon.

Idi nagideklara ti *martial law* ni Marcos, nakipaset ni Ka Louie iti tignay a limed tapno labanan ti pasista a diktadura. Isuna ken ni Ka Coni ket naaresto idi 1973 ken naibalud idia Fort Bonifacio, nu sadinno a naikulong ni Ka Ka Louie iti nasipnget ken awanan tawa a selda karaman ti innem wenno pito pay a kadwa na a balud. Naiduron ti serye dagiti protesta ken kampanya dagiti relihiyoso ken internasyunal a grupo iti karbengan-tao ti rehimen Marcos a ruk-atan isuda idi Hulyo 1974.

Intuloy ni Ka Louie ti rebolusyonaryo a trabaho idi nawayawayaan. Idi 1975, timmulong isuna iti panagorganisa ken koordinasyon iti istorikal a welga dagiti mangmangged iti La Tondeña idia Manila—ti umuna a mayor a welga dagiti mangmangged iti sidong ti turay militar. Epektibo a binurak ti welga ti klima ti buteng a gubuyen ti *martial law* ken minarkaan daytoy ti balbaliw a panagbwelo ti serye dagiti dangadang ti masa ken dagiti nasaknap a demonstrasyon iti maudi a paset ti dekada 1970 ken nasapa a paset ti dekada 1980.

Idi 1976, napan ni Ka Louie iti ballasiw-taaw tapno idauluan ti trabaho iti internasyunal a pannakisilpo para iti Partido ken ibunannag dagiti brutal a krimen ti diktadura a Marcos. Gapu kadagiti pangta iti biag ken kinasigurado ti pannakausig na nu agsubli iti Pilipinas, dimawat ken naikkan ti *political asylum* si Ka Louie ken Ka Coni idia Netherlands—ken isuda dagiti umuna a Pilipino a nakaawat ditoy. Manipud iti pannakadistyero, napasnek a nagtrabaho ni Ka Louie tapno papijsaen ti suporta para it rebolusyon a Pilipino.

Idi Hulyo 1977, pormal a nadutokan ni Ka Louie kas Internasyunal a Mangibagi iti NDFP. Nagakem isuna ti napateg a papel iti panangitakder ti Internasyunal nga Upisina ti NDFP idia Utrecht ken iti panangorganisa ti sangalubongan a suporta para iti panaglaban ti umili a Pilipino



Idi Pebrero 17, 1972, nagakem ti kangrunaan a rebbengen ni Ka Louie iti panangbuangay ti Christians for National Liberation (CNL) iti panangorganisa kadagiti kapada na a relihiyoso nga addaan progresibo a panagpanpanu-not, tapno labanan ti pasista a teror ti estado ti diktadura a Marcos Sr. Iti asembliya ti panangbuangay ditoy, agpada a nabotosan da Ka Louie ken ti asawa na a ni Ka Coni iti National Executive Board. Iti sumaruno a bulan idi Marso 1972, nagkameng ni Ka Louie iti Communist Party of the Philippines. Ti CNL idi agangay ket agserbi a maysa kadagiti alyado nga organisasyon a nangpundar ti NDFP idi 1973.



Espesyal nga Isyu | Hunyo 7, 2025

 ang.bayan@cpp.ph

Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan

iti diktadura a US-Marcos. Nagserbi isuna a kangrunaan a nangbuangay ti People's Permanent Tribunal on the Philippines idi 1980 a nangibunnannag kadagiti nakaro a panaglab-sing ti rehimen iti karbengan-*tao*, ken nangbigbig iti NDF kas pudno a mangibagi iti umili a Pilipino.

Kas dadaulo nga internasyunal a mangibagi iti NDFP, inyaramid ni Ka Louie ti proto-diplomatiko a trabaho ken nangbuangay ti silpo kadagiti gangannaet a guberno, internasyunal nga ahensya, kadagiti grupo iti panagkikinnabsat ken kadagiti rebolusyonaryo a tignay ken partido iti intero a lubong. Timmulong isuna iti panangpapigsa ti timek ti umili a Pilipino babaen ti panangiyebkas ti

nainkalintegang a tarigagay ti rebolusyonaryo a tignay.

Idi 1989, nadutokan ni Ka Louie kas dadaulo a negosyador ti NDFP iti negosasyon iti kapya iti Guberyno ti Republika ti Pilipinas. Iti daytoy a rebbengen, inpamatmat na ti natibker a takder ti rebolusyonaryo a tignay a magun-od ti nainkalintegang ken mataginayon a kapya—maysa a kapya a mangsungbat kadagiti ramut ti armado a risiris: kinaawan ti daga, kinakurapay ken gangannaet a panagsakop. Kadagiti saan a mabilang a tukad ti negosasyon, natibker a timmakder ni Ka Louie kas adigi ti integridad ken rebolusyonaryo a determinasyon, a kanayon nga ipangpangruna ti umili a Pilipino iti

proseso.

Idandanon mi ti naimpusoan a panagyaman ken Ka Louie Jalandoni iti panangidaton ti biag na iti umili a Pilipino, iti National Democratic Front ken iti Communist Party of the Philippines. Tungpal-biag mi nga ipateg ti naindaklan a naibingay na iti panangiyabante ti dangadang ti umili para iti wayawaya ti pagilyan ken kagimongan. Iti panagladingit mi iti ipupusay na, natibker nga ikarkari mi nga ituloy ti patawid na a sipupuso a panagserbi, awan-patengga a kinapakumbaba, rebolusyonaryo nga integridad ken takder iti panangisayangkat ti demokratiko a rebolusyon ti umili aginga a magun-od ti balligi.

Agbiag ti lagip ni Ka Louie Jalandoni!

Ituloy ti naindaklan a rebolusyonaryo a patawid na!